


PUKAMAHI KOI



Te Ātaahua Hoki

***Tautuhia he wāhi motuhake i te Awa o Waikato.
Tāpiritia he whakaahua, tātuhia rānei te wāhi rā.***



He aha ētahi o ngā take ka kite koe i taua wāhi
kua puta mai pea i ngā morihana koi?

Te Hiranga Ahurea

He mea tino hira te Awa o Waikato ki Ngāi Māori.
He rite ki tētahi mema o te whānau e pupuri ana i te huhua
o ngā kōrero me ngā hītori.

Anei te take he mea hira taua awa:

Puna Ora:

Whakarato ai te awa i te kai me te wai, he wāhi hoki e hui ai, e
kōrero tahi ai ngā tāngata.

Hononga ā-Wairua:

E kitea ana te awa hei tupuna e ora ana, hei kaitiaki e tuku ana
i te ora me te parenga.

Tuku Ihotanga Ahurea:

He whare pukapuka e ora ana te awa, e pupuri ana i ngā
kōrero, i ngā tikanga, me te mātauranga i tuku iho ai mā ngā
tini whakatupuranga.




Te Pānga o te Koi

He raruraru nui te Koi ki te Awa o Waikato. He rite ki te manuhiri kāore i pōwhiritia, kāore nei e mōhio me pēhea te mahi pai, ā, anei ngā take e pērā ana...



Mīhini Kai:

He pukunui te Koi, ā, ehara i te utiuti ki te kai. Kai ai rātou i ngā tipu, i ngā ika iti me ngā ngāngara me te waiho i te iti iho o ngā kai mā ngā momo māori.



He Ika Kai Pōrohe:

I te wā o te kai, ka ai rātou i te puehu ki te takere o te awa. Nā reira e paru ai, e puehu ai te wai, he mea kino mō ngā tipu e hiahia ana kia whitihia e te rā me ngā ika e hiahia ana ki ngā wai kōataata.



Punua Maha Rawa:

He maha ngā punua Koi, me te aha he maha ake ngā koi kei roto i te awa. He uaua tēnei āhuatanga ki ngā ika māori te kimi wāhi e rawaka ana, te kimi kai hoki hei oranga mō rātou.

Kei te mōhio rānei koe?

Anei ētahi meka Koi e hāngai pū ana ki a mātou nō te rohe o Waikato...

Kei roto ngā koi i ngā Awa o Waikato, o Waipā, o Waihou, o Piako hoki.

Kāore e taea e ngā koi te piki waihīrere pēnei i ngā ika māori! E kimi ana mātou i ētahi wāhi kei reira e tika ana kia hangāia he waihīrere iti hei ārai i te toro atu o ngā koi ki ngā roto me ngā kōawa, kāore kē rātou e noho ana.

Ko te whakarapu ā-kōpere he huarahi e kaingākaitia ana hei tango ika mai i te awa.

E mahi ana ngā kaipūtaiao mō te pēhea o te tatau i ngā ika mā te whakamahi i ngā matatopa. Mā reira e āwhina ai kia mārama ngā taupori ika i roto i ngā roto, ā, me pēhea hoki e panonitia ai te mahi.

Te āwhina o te hāpori – Ka taea e te katoa, tae ana ki te tamariki, te āwhina atu mā te whai i te Tiro, Horoi me te Whakamaroke mō te katoa o ngā waka, o ngā hoe, o ngā pūtu hoki i whakamahia ai i roto i te wai. Ka āwhina tēnei kia kore ai e hōrapa ō rātou hua.



Tirohia

Āta mātaihia ō taputapu, ō waka, ō kākahu hoki ā muri tonu atu i te putanga mai i tētahi tinana wai me kore e kitea he paru, he kīrehe moana, he wāhanga tipu rānei. He mea hira kia tangohia ngā mea e kitea nei e koe, ā, kia tika te whakawātea o aua mea i taua wāhi tonu kia aukati ai i te haria o aua mea ki wāhi hou.



Horo

Me horoi wawe atu i ō taputapu katoa. Kei roto pea i tēnei mahi ko te horoi ki te wairewa hopi teretere, ki te wai wera rānei kia āta whakaritea kua tangohia ngā rauropi katoa ina koa aua mea mai i ngā wāhi uaua te toro atu nā te noho haumākū o aua wāhi.



Whakamaroke

Waiho kia mā rā anō ngā utauta me ngā taputapu katoa, ki te whitikina e te rā mō te wā roa rawa ka taea ko te painga atu, i mua mai i te whakamahi anō i roto i tētahi arawai rerekē. Ka taea e ētahi momo urutomo te noho ora mō ētahi wiki i ngā taiao mākū, nō reira he mea nui rawa atu te āta whakamaroke.

Te Tauoranga me te Tupu

E mōhiotia ana te Koi nā te roa o te tauoranga, ā, i te nuinga o te wā ko te roanga o te tauoranga ko te 25 ki te 35 tau, waihoki e kīia ana ko ētahi mea takitahi ka noho ora tae atu ki te neke atu i te 100 tau i ngā kēhi tino rerekē.

Rerenga ā-Ira

Nā te whakaputa uri nui rawa atu, ka whakaatu ngā morihana koi i tētahi rerenga ā-ira tino nui mō te tae, mō te tauira me te hanga tinana. Kua tino whakanuitia tēnei kanorau i roto i ngā whakaaturanga me ngā whakataetae koi.

Te Waha

He waha tō ngā koi ka taea te torohaki whakamua e whakamahia ai e rātou ki te tātari i te paru me te paripari ki te takere o ngā hāpua hei kimi kai. He kaikiota rātou, ā, ka kai i ngā puna kai rerekē.

Te Rahi

E mōhiotia ana hoki te koi mō te nui o tōna rahi. Ka taea e ia te tipu tae atu ki te 90 mitarau te roa i roto i ngā āhuetanga tino pai rawa atu, engari ko te rahi toharite i te nuinga o te wā ko te āhua 60 mitarau.

Te Urutaunga

Ko te Koi he ika ka taea te urutau, ā, ka taea hoki te whai orange i roto i te whānuitanga o ngā āhuetanga āhuarangi, ahakoa ka ngaruru pai hoki ia i ngā āhuarangi hātai. E taea ana e tōna tinana te whakaputu mōmona hei orange mōna i ngā marama mātao ake.

Ngā Pihapiha me te Tukupūngo

He pihapiha ō ngā koi hei tango hāora i te wai. Ka taea hoki e rātou te horomi te hau takiwā mai i te mata o te wai, e āhei ai rātou te miti i te hāora kōhauhau, he pūkenga whai take tērā i ngā taiao he iti iho te hāora.



I tua atu i te whakamihatia o te Koi mō tōna ātaahuatanga, whakamaiohatia ai hoki mō tōna pakaritanga me te urutaunga, koia nei te take e noho ai ia hei kaupapa ako whakamīharo, hei tāpiritanga e kaingākautia ana hoki ki ngā māra moana puta noa i te ao.

Ngā Unahi

Kua kapi katoa te nuinga o ngā koi i ngā unahi, engari e mōhiotia ana ētahi momo mō te ngaromanga o ētahi o ōna unahi, ko ētahi mō te noho unahi-kore rānei, mā reira e tukuna ai ki a rātou he āhua motuhake.



Ngā Pakihau

He maha tonu ngā momo pakihau o te Koi, pērā i te urutira (i te tuarā), i te pakihawa (i ngā taha), i te hawa, (kei raro e tata ana ki te māhunga), i te pakihau ā-tou, me ngā pakihau whiore. Ka roa pea ka pīoioi hoki ētahi o ōna pakihau, ina koa ngā pakihau o ngā momo whakamanea.

Ngā Momo Tae

Ka taea e ngā Koi te whakaatu i te huhua o ngā tae, kei roto ko te mā, te pango, te whero, te karaka, te kōwhai, te kikorangi me te kirīmi. Nā te whakaputa uri ā-tīpako e puta ai ngā tae.

Te Hanga Tinana

He koutata te hanga o te tinana e āhei ai te tōtika o te nekehanga i roto i te wai. Nā te whakaputa uri ā-tīpako hoki kua puta ētahi momo hanga tinana, ētahi rahi rerekē hoki i waenga i ngā momo koi rerekē.

Ngā Mahinga Whāomoomo

Me pēnei te āwhina kia tangohia rātou...




Me pēhea te Hopu i a Rātou:

Whakamahi ai te tangata i ngā kupenga me ngā tāwhiti hei hopu koi, hei tango hoki i a rātou mai i te awa. (Kaua e warewaretia kia whai i te huarahi 'Tirohia, Horoi, Whakamaroke'.)



He Rangahau:

E ako ana ngā kaipūtaiao i te awa kia mārama ai me pēhea kia pai ake te tiaki atu. Hei tētahi rā, ko koe pea tēnei!



Te Āwhina o te Hapori:

Ka taea e te katoa, tae ana ki te tamariki, te āwhina atu mā te kore e waiho i te paku aha e tūkinu ana ki te awa, mā te ako hoki me pēhea e noho hauora ai te awa.